

CARNIOLA.

521

Rovinium: tum mox quæ volgo *Le Colonne*, *Portesul*, *Mutazzo*: indeque promontorium *Cisanum*. *Muratio* *Phasianiam* tria sunt millia, hinc ad *Vallem Bandoniam*, duo, totidemque ad *Marcodainum*: tria inde, ad *Portum*, *Pola*. Conspiciendam deinde se. præbet in alto difficilique monte Vrbs Episcopalis *Pola* priscum nomen retinens. In solo plano sita, Tergeste millibus circiter C abest: Ancona, trajectu maris Hadriatici, mill. cc x x. *Istriae* fluvii sunt: *Risanus*, *Draconia*, *Quietus*, *Lemus*, *Arsia*. Silvæ etiam sunt, tum aliis usibus, tum ad naves exstruendas materiam affatim subministrantes. Incolæ re sunt tenuiore. Venetis omnem negotiationem ad se trahentibus. De *Windorum Marchia* infra dicendum erit, eoque de ea scribere hic supersedebo. De *Karstia* & *Cilia Comitatu* vix habeo quod scribam: pauca de *Carniola* subiiciam.

Flumina.
Silva.

Carniola.

CARNIOLA a *Carnis* populis, quemadmodum & *Carinthia* nomen obtinuit. De his *Volaterranus* *Geographiæ* lib. 11: Supra *Istros Carni* sunt, lata regio, a *Foro-Julien* sibus incipiens, atque ad montana pertinens. Regio ipsa *Carniola* montosa licet & *Alpestris*, quemadmodum & reliquæ hujus tractus *Provinciæ*: *Vini* tamen, *Olei*, *Fructuum* ac *Frumenti* hinc inde copiam profert. *Carniolam* autem duplicem statuunt: *Siccam* scilicet, quæ aquarum indiga est: alteram irriguam, in qua *Savus* fl. ortum habet, & *Nauportus* qui *Labatus* hodie dicitur, & alii plures flu. *Ducatus* titulo ornata est. Vrbs primaria *Labacum* ejusdem cum fl. nominis. Nonnulli *Goritiam* in *Carniola* collocant, quam nos supra in *Foro-Julii* recensuimus. In *Lava* *Sontii* ripa sursum propugnacula reperiuntur bina, quondam a Venetis ad tutelam fl. condita, ne *Turcarum* excursionibus hac, uti prius, pateret via. Reliquæ, quæ hic recensentur in *Foro-Julio* a nobis commemoratæ sunt. Porro in hac regione *Lacus* est, qui singulis annis Messëm, Piscationem & Venationem præbet. Adcolæ *Zircknitz* & *erZee* nominant ab *Opido Zircknitz*, quod in ejus ora situm. Sed libet ejus descriptionem paullo accuratius ex *Georgio Wernhero* hic describere: Clauditur is circumquaque Montibus: patet ad sesquimilliarium, minus laxa latitudine. Ex montibus circumpositis rivi quidam ignobiles procurunt suo quisque alveolo: ab Orientali quidem plaga tres, ab Australi 1 v. Singuli quo longius fluunt, hoc minus sca- tent aquis, terra nimirum ipsos conbibente, donec postremo absorbeantur scrobibus saxeis, ita natis, ut humano opere excisæ videri possent. Itaque quacumque pateat locus, diffunduntur aquæ, & Lacum efficiunt. Hæ aquæ non minus fere celeriter recedunt, quam accesserunt, sed non per scrobes illas tantum, sed universa pene terra eas non aliter recipiente, quam si per cribrum distunderentur. Quod cum fieri sentiunt adcolæ, continuo grandioribus ejus meatibus, quo ad fieri potest, obstructis, agminatim advolant ad piscationem, quæ ipsis non modo jucunda, sed etiam perfructuosa est. Nam hi pisces sale conditi magna copia ad vicinos exportantur. Porro siccat: o lacu sit *Messis*, qua parte solum constitum, & idem rursus conferitur, antequam inundet. Graminis ita est ferax, ut post vigesimum diem secari soleat. Quis hic ludentis Naturæ miracula non suspiciat. Sed de his hæcenus, ad reliqua pergamus.

Regio & unde dicta.

Soli fertilitas.

Urbes.

Lacus.